



11. april 2024

Inatsisartut suleriaasianni § 37 imm. 1 najoqqutarylugu Naalakkersuisunut imaattumik apeqquteqarpunga:

Apeqqut 1:

Qanoq ililluni maanna INI A/S-mi ineqarnermut akiliut pisisartut aningaasartuutaannut tunngaviusumit aaqqiissut sinnerujussuarluni qaffassinnaava? Nikolaj Heinrich assersuutigalugu ukiut 52 sinnerlugit ingerlaneranni 1000 %-p missaannik qaffassimavoq, uffa piffissami tassani pisisartut aningaasartuutaannut tunngavioq aallaavigissagaani 300 %-imik agguaqatigiissillugu qaffattussaagualarpoq¹.

Apeqqut 2:

Sooq aamma qanga Naalakkersuisut inigisamut akiliutip qaffaataa ukiumut qaffaatip nalinginnaasumit – tassa imaappoq pisisartut aningaasartuutaannut tunngaviusumik allannguut uniorlugu inimut akimik allaanermik qaffasinnerusumillu akuersigamik?

Apeqqut 3:

Sooq Naalakkersuisut Naleqqap attartortut inigisaannik namminneq inigisinnaangornissaannik siunnersuutaat tapersinngilaat aamma suna patsisigalugu siunnersuut taanna taperserreqanngila?

Apeqqut 4:

Naalakkersuisut sunik pilersaaruteqarpat attartortut inigisamik attartukkaminni soraarninngoraluarlutilluunniit najugaqaannarnissaannut qulakkeerinnittunik?

(Inatsisartuni ilaasortaq Pele Broberg, Naleraq)

Tunngavilersuut:

apeqqummut 1-mut

Sermitsiami allaaserisap sammivaa Nikolaj Heinrich aamma inigisamut akiliutaa ukiut 52 ingerlaneranni ersarissumik naapertuutinnitsoqartoq, tassami inigisamut akiliut piffissami tassani 1000 % missaannik qaffaateqarsimavoq, uffa piffissami tassani pisisartut aningaasartuutaannut tunngaviusumi agguaqatigiissillugu ukiumut 1,75 %-imik qaffataa ukiut 52 ingerlaneranni atuutsinneqaraluarpat 300 %-mik qaffassagualartoq

Inigisamut akiliutip qaffaataanik naatsorsuineq:

¹ [Inissiamut 100 procentinik akiliinerusalarpog \(sermitsiaq.ag\)](https://sermitsiaq.ag)



Pineqartoq tunngavigalugu ujaasinermi inernerata tassaavoq 295,2 % missaanni piffissami tassani ukiumut aningaasat nalikillineri agguaqatigiissillugu 1,75 %-iusut.

Kisitsisip tunngavia ukuninnga pivoq:

- Nalunaarusiaq Greenland in Figures najoqqutaralugu Kalaallit Nunatsinni aningaasat naleerunneri agguaqatigiissillugu ukiuni kingullerni 50-ini 1,75 % missaaniissimavoq²
- Aningaasat naleerukkiartorerisa naatsorsuinnermut atorpeqartartoq naatsorsoraanni qaammammut 825 kr. aallartiffigalugu aamma ukiumut aningaasat naleerunnerat 1,75 % atorlugu, taava inigisamut akiliut ukiut 52 qaangiuppata qaammammut 3.260 kr-iussagaluarpoq.

Procentinngorlugu qaffaatip naatsorsornera:

- o Aallartiffik: qaammammut 825 kr.
- o Inigisamut akiliut ukiut 52 qaangiuppata: 3.260 kr qaammammut.
- o Procentinngorlugu qaffaat: $(3.260 - 825) / 825 * 100 = 295,2 \%$

Taamaattumik inigisamut akiliutip ukiut 52 ingerlaneranni ukiumut aningaasat naleerunnerat agguaqatigiissillugu 1,75 % atorlugu tassaassaaq 295,2 % miss.

Apeqqu 2-mut:

INI A/S aamma Illuut A/S tamarmik pisortanit 100 %-imik pigineqarput attartortitsinermilu aqutsisuullutik, aamma Nikolaj Heinrich inigisaanik ukiuni 52-ini aningaasartuutigisaat aalajangersimakannersuupput. Imaappoq, inigisap aqunneranut aningaasartuut attartortitsinermik isumaqatigiissut aallartimmalli naatsorsorneqareerpoq, inigisamullu attartukkamut akiliut taamaallaat pisisartut aningaasartuutaannut tunngavisoq najoqqutaralugu allannortartussaalluni, taannalu piffissami tassani agguaqatigiissillugu 1,75 %-iuvoq. Akiliulli naatsorsuutigisamiit 700 % sinnerlugu qaffassimanera pisisartut aningaasartuutaat tunngavioq ataavartumik ineriartornera naatsorsuutigissagaanni sinnerujussuarpa. Piffissami tassani akiliutip qaffaataata annersaa tassangaaneermat, taannalu pisisartut aningaasartuutaannut tunngavioqumut attuumassuteqanngilaq. Taamaattumik ilimagineqarsinnaavoq Naalakkarsuisut iliuuseqarneq taamaattoq akuerisimassagaat. Aalajangiinerup taassuma qulaajarnissaa pingaaruteqarpoq – qanga, kimit aamma suna tunngavigalugu pilersinneqarsimanersoq.

Apeqqu 3-mut:

Nikolaj Heinrich inigisami attartornerata isumaqatigiissutiginerani piumasaqaatit ilagisimavaat ukiut 30 qaangiunneranni inissiaq pigilerumaaraat. Inissiali Danmarkimi Nunatsinni Namminersornerullutik Oqartussanut tunniunneqarmata aamma kingusinnerusukkut Nunatsinni Namminersorlutik Oqartussanut piumasaq kalaallinit allannortinneqarpoq. Inissiat

² <https://stat.gl/dialog/topmain.asp?lang=en&subject=Gr%C3%B8nland%20i%20tal&sc=gf>



iluarsartuunnissaannut akiligassat amerlassusii aamma attartortumiit piginnittumut aaqqissuussinermi tunngaviit patsisigalugit Naleqqap siunnersuutigisimavaa Namminersorlutik Oqartussat inissiat attartortittakkat attartortunut tunniunnerisigut iluarsartuunnissaannut akiligassaqaassanngitsut, taamaalillutik inigisaminnik piginnittunngortillugit, aamma aserfallatsaaliuinissamut, nutarterinissamut il.il. pilersaarusiorsinnaalersillugit. Kisianni Naalackersuisut siunnersuut tamanna ilalersimanngilaat aamma tamanna pillugu tunngavilersuummik kissaateqarpugut. Tulluartuunngilaq imaluunniit isumatusaarnerunngilaq Naalackersuisut pisortat inissiaataanni akiliutip qaffattarnera annertunerusoq akuersaarpassuk.

Apeqqut 4-mut tunngavilersuut:

Naalackersuisut inigisamut akiliutip annertunerusumik qaffattarnissaa pisisartut aningaasartuutaannut tunngaviusup qaffattarnissaanut sanilliullugu akuerisimavaat. Nikolaj Heinrichip inissisimanerata ersarissumik takutippaa soraarnerusiaminnit akilernissaanut akissaqanngitsut. Aamma inigisamut akiliutip qaffannerata 70 % ukiumoortumik qaffaanermik patsisigineqarsinaanngimmat, isumaqarsimassaaq attartortut inigisaminnit anisinniarneqartut piffissap ingerlanerani.

Ullut suliffiit 10 iluanni akissutiserusuppunga.